



KOPI PAHIT

Di dalam suatu perbahasan yang hangat di Dewan Undangan Selangor, Dato Abu Bakar Baginda, Menteri Besar Selangor dikatakan berkata: "tidaklah benar sama sekali kalau dikatakan kerajaan tidak bekerja untuk kepentingan rakyat..."

"Sebenarnya kerajaan bekerja siang malam untuk kepentingan rakyat..." katanya, sampai di sini Tuan Karam Singh bertanya: "saya ingin tahu bagaimana kerajaan bekerja siang malam." Dato Abu Bakar berkata: "bekerja siang sememangnya nampak. Tetapi kerja malam tidak."

Benar Dato kalau kerja "umum" digelap-gelap pun nampak dan hafal! Tak payah cari tempat terang pun jadi.

* * *

Di dalam Persidangan Wartawan-Wartawan Afro-Asia, Sukarno ada hati muah cakap tentang kebebasan surat khabar-surat khabar. Apakah Sukarno fikir perbuatannya menangkapi wartawan-wartawan Indonesia itu sebenarnya kebebasan surat khabar zaman masih revolusi?

Apakah orang tidak tahu tujuannya?

* * *

Akhbar Mimbar Teruna di Medan telah menuduh Tunku Abdul Rahman menyuruh P. Ramlee menceraikan isterinya Saloma kerana kononnya Tunku muah jadikan Saloma "mistressnya". Amboi mak! Orang semuanya di sini kenal Tunku. Apakah Mimbar Teruna Medan muah ukur baju Malaya dengan baju Indonesia? Kan orang tau perkara "mistress-mistressan" di ibu kota Indonesia bung! Orang kan ada juga yang tahu sehingga orang tua yang dilantik jadi duta sebab "mistress-mistressan"? Allah mak!

Sebagai langkahan kepada langkahan kerajaan Singapura menangkapi anasir-anasir kiri maka orang-orang *front sosialist* telah mengadakan perarakan tunjuk perasaan di Bangunan Bandaran Singapura untuk menemui Perdana Menteri Singapura, Tuan Lee Kuan Yew. Tunjuk perasaan itu akhirnya melakukan kekerasan sehingga beberapa orang polis Singapura tercedera di dalam percubaan menahan mereka membuat leluasa itu. Melihat kelakuan ini orang ramai berasa hairan, melihat kerajaan masih bertengang sahaja melihat anasir-anasir pengacau ini bermahajalela. Ada orang bertanya: habis bagaimana muah buat? Kalau pertanyaan ini dihadapkan kepada al-Farouk jawabnya ringkas sahaja: Sikat!¹! Habis perkara. Jangan banyak bicara Bung!

* * *

Sepatutnya umat Islam semasa mengadakan sambutan Hari Raya Haji seperti pada bulan ini, membanyakkan sumbangan menyembelih korban lembu atau kambing, dan dagingnya dibahagi-bahagikan kepada fakir miskin - sebagaimana membahagi-bahagikan zakat fitrah atau harta pada masa menyambut ketibaan Hari Raya Puasa. Tetapi apa yang paling diutamakan - terutama oleh setengah-setengah pemuda dan pemudi umat Islam sekarang ini membanyakkan sumbangan yang berupa majlis tari-menari, beronggeng dan *bertwist*, beradu itu dan beradu ini - alasannya kata mereka untuk menyambut Hari Raya Haji, dan mungkin agaknya untuk mengorbankan maruah dan kehormatan sekali.... *na 'ūdhu bi Allāhi min dhalik.*

* * *

Tatkala seorang besar komunis China datang ke Indonesia, dalam Hari Udara Sukarno cakap besar peri kuatnya angkatan udara Indonesia. Tidak lama sesudah bercakap, sebuah kapal terbangnya yang berharga jutaan ringgit Amerika, buatan Rusia, jatuh hancur menjunam ke tanah. Untungnya tidak menjunam ke atas kedua-dua pemimpin komunis China dan Indonesia itu. Kalau tidak - yang seorang tidak bertahlil dan seorang bertahlil. Untung juga hukum tuhan belum berlaku sebab tiap-tiap yang hidup mesti mati. Ia tak bung?

- Cemeti al-Farouk.

¹ Perkataan yang sebenar adalah sekat!